



## **«Мектепке дейінгі ұйымға арналған үздік дамытушы бағдарлама» республикалық байқауын өткізу туралы ЕРЕЖЕ**

### **1. Жалпы ережелер**

1.1. Осы Ереже меншік нысанына және ведомстволық бағыныстылығына қарамастан мектепке дейінгі ұйымның барлық педагог қызметкерлері арасында «Мектепке дейінгі ұйымға арналған үздік дамытушы бағдарлама» республикалық байқауының (бұдан әрі – Байқау) мақсаттары мен міндеттерін, ұйымдастыру тәртібі мен өткізу шарттарын белгілейді.

1.2. Байқау Қазақстан Республикасы Оқу-ағарту министрлігінің «Балаларды ерте дамыту институты» РММ-нің (бұдан әрі – Институт) 2024 жылға арналған жұмыс жоспарына сәйкес өткізіледі.

1.3. **Мақсаты:** қазіргі жағдайда республиканың мектепке дейінгі ұйымдары педагогтерінің үздік дамытушы авторлық, вариативтік бағдарламаларын анықтау, жалпылау және тарату.

#### **1.4. Міндеттері:**

- педагогтердің шығармашылық әлеуетін, әдістемелік шеберлігін дамыту үшін жағдай жасау;
- педагогикалық процестің мазмұнын жаңарту бойынша авторлық инновациялық педагогикалық идеяларды іздеу;
- мектепке дейінгі тәрбие мен оқыту жүйесінде шығармашыл педагогтердің инновациялық тәжірибесін насихаттау және тарату;
- балалардың жеке қабілеттері мен қажеттіліктерін ескере отырып, ата-аналарға балаларға арналған бағдарламаны таңдау құқығымен қамтамасыз ететін вариативті дамыту бағдарламаларын жасауға ықпал ету.

### **2. Байқауды ұйымдастыру тәртібі**

2.1. Байқаудың ұйымдастырушылары – «Балаларды ерте дамыту институты» РММ, аудандық, қалалық білім бөлімдері, облыстық, республикалық маңызы бар қалалардың және астананың білім басқармалары.

2.2. Байқауға кемінде 3 (үш) жыл педагогикалық жұмыс өтілі бар мектепке дейінгі ұйымның педагогтері қатыса алады.

2.3. Байқау үш кезеңде өткізіледі:

I кезең – аудандық (қалалық) (облыстардың, республикалық маңызы бар қалалардың) деңгейі;

II кезең – облыстық (республикалық маңызы бар қалалар мен астананың) деңгейі;

III кезең – республикалық деңгей.

2.4. Өңірлерде Байқау өткізу туралы хабарландыруды аудандардың, қалалардың білім бөлімдері, облыстардың және республикалық маңызы бар қалалардың және астананың білім басқармалары бұқаралық ақпарат құралдарында, Интернет-ресурстарда Байқау басталғанға дейін күнтізбелік 30 (отыз) күн бұрын жариялайды.

2.5. Педагогтердің құжаттарын (материалдарын) бағалау үшін байқаудың барлық кезеңдерінде аудан, қала (облыстық, республикалық маңызы бар қалалар), облыс, республикалық маңызы бар қалалар және астана (құрамы кемінде 7 адам) деңгейінде басшылардың бұйрығымен Өңірлік комиссия құрылады.

2.6. Өңірлік комиссия аудандық, қалалық білім бөлімнің, облыстың, республикалық маңызы бар қалалардың және астананың білім басқармасының қызметкерлері, педагог-зерттеушілер, педагог-шеберлер, педагогикалық шеберлік кәсіби байқауларының жеңімпаздары, әдістемелік қызмет, білім беру саласындағы ғылыми және талдау ұйымдардың қызметкерлері (сарапшылары), сондай-ақ білім беру саласындағы үкіметтік емес ұйымдардың, бұқаралық ақпарат құралдарының өкілдері қатарынан қалыптастырылады.

2.7. Өңірлік комиссия Байқауға қатысушылардың ұсынылған материалдарын зерделейді және бағалайды (Ереженің 3-қосымшасына).

2.8. Байқаудың I кезеңіне қатысу үшін қатысушы осы Ереженің 1-қосымшасына сәйкес нысан бойынша өтінім береді (Байқаудың I кезеңінің нәтижелері бойынша жеңімпаздарға II кезеңге қатысуға жол беріледі; II кезеңнің нәтижелері бойынша жеңімпаздарға III кезеңге қатысуға жол беріледі), электрондық форматта келесі құжаттар (материалдар) қоса беріледі:

1) қатысушының **өтінімі** (осы Ереженің 1-қосымшасы);

2) қатысушылардың санын көрсете отырып, облыстардың, республикалық маңызы бар қалалардың және астананың білім басқармаларының Өңірлік комиссиясының **хаттамасы** (сканерленген көшірмесі);

3) **Байқау материалдары** (Pdf форматында сканерленген):

- МДҰ педагогикалық кеңесі бекіткен дамыту бағдарламасы;

- бағдарламаға ілеспе рецензиясы;

- сараптамалық қорытынды;

- бағдарламаны қолданудың тиімділігі туралы ақпарат.

4) III кезеңде облыстың, республикалық маңызы бар қалалардың және астананың білім басқармасының **ілеспе хатының** болуы міндетті.

2.9. Байқаудың II және III кезеңдеріне жүлдегерлер, 1 және 2 орын иегерлері жіберіледі (2 жеңімпаздан артық емес).

Байқау нәтижелері осы Ережеге 3-қосымшада орналастырылған критерийлерге сәйкес 5 балдық жүйе бойынша бағаланады.

### **3. Байқауға қатысушыға қойылатын талаптар**

3.1. Байқауға мектепке дейінгі ұйымның педагогикалық кеңесі бекіткен және апробациядан өткен бағдарламалар жіберіледі.

3.2. Бағдарлама мектепке дейінгі білім беру бағдарламаларының мазмұны мен ресімделуіне қойылатын талаптарға және дамытушы бағдарламаға қойылатын негізгі талаптарға (осы Ереженің 2-қосымшасы) сәйкес келуі тиіс.

3.3. Материалды ұсына отырып, қатысушы:

- жеке деректерін пайдалануға және материалдарды сайтта, баспа басылымдарында, Интернет-БАҚ-та және басқа бұқаралық ақпарат көздерінде орналастыруға;

- материалдарды тегін пайдалануға, көпшілік алдында таратуға, интернет желісіне орналастыруға, шығармашылық жобаларға қосуға, БАҚ-та жариялауға, өңдеуге келісімін береді.

3.4. Жіберілген материал рецензияланбайды және қайтарылмайды.

### **4. Материалдарды ресімдеуге қойылатын талаптар**

4.1 Республикалық ІІІ кезеңге ілеспе хат, білім басқармасының өтінімі және педагогикалық кеңес бекіткен «Мектепке дейінгі ұйымға арналған үздік дамытушы бағдарлама» байқауы атауымен [i-rrd2021@mail.ru](mailto:i-rrd2021@mail.ru) электрондық поштасына **2024 жылдың «20» қарашасынан** кешіктірмей жіберілуі тиіс.

4.2. Көрсетілген мерзімнен кеш түскен материалдар қаралмайды.

### **5. Қорытынды шығару, жеңімпаздарды марапаттау**

5.1. «Мектепке дейінгі ұйымға арналған үздік дамытушы бағдарлама» республикалық байқауының қорытындысы бойынша келесі жүлделі орындар белгіленеді:

- I орын;
- II орын;
- III орын.

Номинациялар:

- «Үздік даму бағдарламасы»;
- «Әмбебап даму бағдарламасы»;
- «Авторлық зерттеу бағдарламасы»;
- «Зияткерлік даму бағдарламасы»

5.2. Байқаудың республикалық кезеңінің жеңімпаздарына мектепке дейінгі білім беру педагогтеріне арналған Институттың семинарларында өз жұмыстарын таныстыруға мүмкіндік беріледі.

5.3. Байқаудың республикалық кезеңінің жеңімпаздары Институттың дипломдармен, құрмет грамоталарымен және алғыс хаттарымен марапатталады.

5.3. Байқау қорытындылары мен жеңімпаздардың материалдары Институт сайтында [www.irrd.kz](http://www.irrd.kz) және әлеуметтік желілер беттерінде жарияланады.

**Анықтамалар үшін телефон: 8 (7172) 28-09-50**

**«Мектепке дейінгі ұйымға арналған үздік дамытушы бағдарлама»  
республикалық байқауға қатысуға  
\_\_\_\_\_ облысынан (қала)**

**ӨТІНІМ**

Жұмыс орны (Жарғыға сәйкес мектепке дейінгі ұйымның атауы)	
Тегі, аты, әкесінің аты (болған жағдайда)	
Лауазымы	
Педагогикалық өтілі	
Жұмыс атауы	
Байланыс телефоны	
Бағдарламаның қысқаша аннотациясы	

«\_\_\_\_\_» \_\_\_\_\_ 2024 ж.



## «Мектепке дейінгі ұйымға арналған үздік дамытушы бағдарлама» байқауына бағдарламаны ресімдеуге қойылатын талаптар

Байқауға Ереженің талаптарына сәйкес келетін дамытушы бағдарлама ұсынылады.

**1. Басты парағы:** мектепке дейінгі ұйымның атауы; оқытудың дамытушы бағдарламасы қайда, қашан және кіммен бекітілді, толық атауы; бағдарлама негізделген балалардың жасы; бағдарламаны іске асыру мерзімі, қаланың атауы, бағдарламаны әзірлеу жылы.

### **2. Түсіндірме жазба:**

- мектепке дейінгі дамыту бағдарламасының бағытын;
- жаңашылдық, өзектілік, педагогикалық орындылықты ашатын;

### **3. Бағдарламаның мазмұны:**

- мақсаты мен міндеттері, балалардың жасына сәйкес дамытушы бағдарламаның күтілетін нәтижесі;

- тәрбиеленушілердің құзыреттерін, дене және жеке қасиеттерін дамыту;

- жас ерекшеліктеріне сәйкес дағдыларды қалыптастыру;

- балалармен жұмыс формалары мен әдістері;

- дамытушы бағдарламаны іске асыру мерзімдері (білім беру процесінің ұзақтығы, кезеңдері) ;

- бағдарламаны іске асыру формалары мен сабақ режимі.

### **4. Әдістемелік әдебиеттер тізімі.**

**5.** Бағдарламаның мәтіні Microsoft Word мәтіндік редакторында ұсынылуы керек, шрифті – Times, кегль 14 (бір жарым жол аралығынан кейін). Шеттер стандартты болуы керек: сол жақта – 3 см, оң жақта – 1,5 см, жоғарғы жағында - 2 см және төменгі жағында – 2 см. Түсіндірме жазбадан бастап барлық парақтар нөмірленеді.

**«Мектепке дейінгі ұйымға арналған үздік дамытушы бағдарлама»  
байқауына қатысушылардың жұмысын бағалау критерийлері  
(5 балл)**

1. Бағдарлама басқа бағдарламалардың мазмұнын қайталамауы керек.
2. Материалдардың тәрбиеленушілердің тәжірибеге бағдарлануы, ғылыми және жас ерекшеліктеріне сәйкестігі:
  - өзектілігі мен перспективтілігі;
  - бағдарламаның барлық құрылымдық элементтерінің өзара байланысы;
  - инновациясы;
  - практикалық маңыздылығы;
  - мазмұнының толықтығы;
  - тиімділігі;
  - ұсынылған ақпараттың тақырыптық ұйымдастырылуы.